

28. april 2005

FM2005/23

**Bibliotekeqarneq pillugu Inatsisartut peqqussutissaattut siunnersuut**

**pillugu**

**Inatsisartut Kultureqarnermut Ilinniartitaanermullu Ataatsimiititaliaata**

**ISUMALIUTISSIISSUTAA**

**Siunnersuutip aappassaaneerqarnerani saqqummiunneqartoq**

Inatsisartut Kultureqarnermut Ilinniartitaanermullu Ataatsimiititaliaa makkuninnga inuttaqarpoq:

Inatsisartunut ilaasortaq Doris Olsen, Siumut, Siulittaasoq  
Inatsisartunut ilaasortaq Georg Olsen, Inuit Ataqatigiit, siulittaasup tullia  
Inatsisartunut ilaasortaq Ole Thorleifsen, Siumut  
Inatsisartunut ilaasortaq Ellen Christoffersen, Atassut  
Inatsisartunut ilaasortaq Astrid Fleischer Rex, Demokraatit

Bibliotekeqarneq pillugu Inatsisartut peqqussutissaattut siunnersuutip siullermeerneqareernerani Inatsisartut Kultureqarnermut Ilinniartitaanermullu Ataatsimiititaliaata UPA2005-imi misissuataarpaa imalu oqaaseqarfigissallugu.

Ataatsimiititaliap isumaqatigiittup iluarisimaarpaa Inatsisartut Ombudsmandiata inassuteqarnera tunngavigalugu siunnersuut atorniartarfiit atuakkanik atuisut atukkaminnik innarlerneqanngitsunik piffissamut utertitsinnginnerani akitsuusiisarnerit inatsisitigut tunngavissaqalernissaat pillugu Naalakkersuisut saqqummiussinerat.

Atorniartarfiit atuakkanik akiliuteqarani atorniarsinnaaneq suli tunngavigalugu ingerlanneqaannarnissaa Ataatsimiititaliap aammattaaq iluarisimaarpaa.

**Siunnersuutip ilusilersugaanera**

Siunnersuutip siunertamut naapertuutinninnera pillugu Ataatsimiititaliaq Inatsisartut Inatsisissanik Nalilersuisarfianit allakkianik tigusaqarpoq. Allakkiaq isumaliuutissiisummi pineqartumi ilanngussatut ilanngunneqarpoq.

Ataatsimiititaliap isumaqatigiittup Naalackersuisunut inassutigissavaat allakkiani innersuussutigineqartut malillugit allannguutissamik siunnersuutissamik saqqummiusseqqullugit.

Ataatsimiititaliap isumaqatigiittup tamanna tunngavigalugu siunnersuut pineqartoq pillugu siunnersuut taama isikkoqarluni Inatsisartunit akuersissutigineqarnissaa inassutigaa, Inatsisartut Inatsisissanik Nalilersuisarfianit allakkiami allassimasut malillugit Naalackersuisut allannguutissatut siunnersuummik saqqummiussereerpata.

Taama oqaaseqarluta Inatsisartut Kultureqarnermut Ilinniartitaanermullu Ataatsimiititaliaata Bibliotekeqarneq pillugu Inatsisartut peqqussutissaattut siunnersuutipaappassaaneerseqarnissaanut ingerlateqqissavaat.

Doris Jakobsen,  
Suilittaasoq

Georg Olsen

Ole Thorleifsen

Ellen Christoffersen

Astrid Fleischer Rex

[Ilanngussaq](#)